



UNIVERSITÄTS-
BIBLIOTHEK
PADERBORN

Universitätsbibliothek Paderborn

Occupatio animae Jesu Christo crvcifixo devotee.

Leroy, François

Pragae, 1666

§.3. Opportunum homini religioso documentum.

[urn:nbn:de:hbz:466:1-47123](#)

At si ad hos ausus nondum tibi sufficit animus; exhibe
te saltem promptum atque submissum ad omnia, quæ divi-
na tibi providentia imposuerit, dicens & tu cum Propheta-
Regio: *Quoniam ego in flagella paenitens sum, & dolor meus*
(id est, peccata mea, quæ mihi sunt doloris causa) *in conspe-*
citu meo semper. Aut illud paulò animosius, ex ejusdem
Propheta imitatione usurpans: *Ego sum qui peccavi, ego ini-*
què egī: iste Agnus quid fecit? Vertatur, obsecro, manus
tua contra me. Ad hæc, afflictiones omnes, sive extrin-
secus immissas, sive à te ipso voluntariè susceptas, cum Chri-
sti flagellis velut in fasciculum colliga, eāsq; conjunctim
offer æterno Patri, saltem Filij meritis & confortione pla-
cituras. Itidēmq; consueſce in cunctis adversis eidem gra-
tias agere, pro benevolentia, quâ te partipem facit fla-
gellorum Unigeniti; & ingenuè agnoscere, semper nimis
clementer & indulgenter tecum agi, neque te tractari pro
meritis; ut tibi propriè assumere possis, quod in libro Job
dicitur: *Peccavi, & verò deliqui, & ut eram dignus non re-*
cepī.

Psal. 37.

a. Reg. 24.

Job 33.

§. 3.

Opportunum homini religioso documentum.

DEnum, ut in gratiam hominum Religiosorum istud ex-
tremum adjiciam: opportunè, ut ego arbitror, atque
ad leniendas molestias severioris vitæ utiliter faciet homo
Religious; si se, ratione suscepti status, fingat ad colu-
mnam alligatum cum Christo, & ad flagella atque verbera
(undelibet ingruant) expositū. Neq; enim aliud esse Religio-
sum, quam hominem in primis despoliatū nudatūmq; rebus
omnibus hujus sæculi; tum professionis votorūmq; vinculis
cum Christo, & cum Christo tanquam ad columnam obstri-
ctum; postremò assidue mortificationi, & quotidianis re-
ligiosi Statūs incommodis, velut crebris flagellorum iictibus

M m m m z sup-

suppositum atq; subiectum. Id enim hæc efficiet persuasio, ut quæcumque sibi, sive ex legum suarum præscripto, sive de superiorum voluntate, duriora provenient, æquiore animo, & sine voce cum Christo perferat; non immemor, quando religioni obligatus est, sese sponte suâ universæ illi flagellarum grandini, ex Christi amore atque exemplo, supponisse; neque mirum jam esse debere, si iustus crebriores infi depluant, & propter Deum mortificetur totâ die, æstimatus cum Christo sicut ovis occisionis.

L. 2. §it. c.
19.

Ita se animo comparaverat noster B. Aloysius; quem dicere solitum accepimus: *Effe se ferrum incurvum, atque ad Religionem venisse, ut severioris disciplina exercitijs, perinde ac malleo, tunderetur & corrigeretur.* Quæ cogitationem revocat, quod de ipso Christo in hæc verba ait.

Serm. 2. de

Can. Dom. *quodam loco S. Bernardus: Qui tanquam jugulatori suo ludens (nimirum ut ovis mitissima) se ipsum non relinquit, & nudum corpus quasi incudem malleatorum illa patienter explicuit.*

I. 32.

Profectò qui ita persuasus religiosum statum capessirrit, eadémq; animi comparatione in eo pervixerit; Sedebit (ut Scriptura loquitur) in pulchritudine pacis, & in requie pulenta; hoc est, animi pace perfructur suavissima, divinisq; delicijs affluet, & magnis meritis Deiq; donis ditabitur. *Quemadmodum qui contrâ affectus sit, & non nisi mollia in Religione sibi proposuerit; is dolorem sibi super dolorem adjicet: quando & cœlestibus destituetur solani, neque sic flagella aut cruces effugiet, quas ipso renisus gravabit, exacerbabitq; impatiens, si etq; alijs ac sibi me-*

L. 3. de imit. ipsi gravis: quia, ut ille ait: *Vincenti datur magna, & Christi c. 35. penti relinquunt multa miseria.*

CAPVT